



## Atugarissaarnermut ataatsimiititaliap suleriaasia

### Atugarissaarnermut ataatsimiititaliap ataatsimiittarneri

§ 1. Ataatsimiititaliap ataatsimiinneri tamanut ammasuunngillat, tak. Kommunit aqunneqarnerat pillugu Inatsisartut inatsisaat nr. 29, 17. november 2017-immersumi § 28-ia imm. 4.

*Imm. 2.* Ataatsimiititaliap kommunimi sulisut ataatsimiinnermini ataatsimiititaliami allatsissatut il.il. peqataaqqusinnaavai. Ataatsimiititaliap inuit allat matumanilu kommunalbestyrelsimi ilaasortat ilanngullugit ataatsimiinnermini peqataaqqusinnaavai, tassa suliamut paasissutissiissuteqarsinnaanermi tamanna kissaatiginartinneqarpat.

§ 2. Ataatsimiititaliami ilaasortaq ataatsimiinnermi peqataasinnaangikkuni, tamanna kingusinnerpaamik ataatsimiinnissaq ullunik marlunnik sioqqullugu ataatsimiititaliap siulittaasuanut nalunaarutigissavaa. Aalaj angiinernik imaqarniliornerni tamatigut ilaasortat kikkut ataatsimiinnermi peqataannginnerat ilanngunneqartassaaq.

### Ataatsimiititaliap siulittaasuanik toqqaaneq

§ 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imik aqunneqassaaq.

### Ataatsimiigiaqqusinerit oqaluuserisassallu nassiussuunneri

§ 4. Ataatsimiititaliamut apeqquteqaatit allakkatigut saqqumiunneqartassapput. Nalinginnaasumik ataatsimiinnissaq ullunik arfineq-pingasunik sioqqullugu suliamik allaganngorlugu suliassanngortitsisimappat, ataatsimiititaliap siulittaasuata suliassaq taanna ataatsimiinnermi siullermi oqaluuserisassanut ilanngutissavaa.

*Imm. 2.* Nalinginnaasumik ataatsimiinnissaq ullunik ulluinnaasunik sisamanik sioqqullugu Siulittaasup oqaluuserisassat ilaasortanut tamanut nassiunneqarnissaat isumagissavaa. Oqaluuserisassat ataasiakkaarlutik sapinngisamik naatsumik ersarissumillu suliamut tunngasutigut oqaasertaligaassapput. Ataatsimiinnerni tamani oqaluuserisassat borgmesterimut kommunimilu pisortaanermut paasissutissatut ingerlatinneqartassapput.

*Imm. 3.* Oqaluuserisassat ammasunut matoqqasunullu immikkoortinneqartassapput. Matoqqasunut tunngasut makkuupput

- 1) suliani inunnik ataasiakkaanik inuttut atugaasigut nalilersuiffiusussat
- 2) suliat illuutiniq pisinernut tunisinernullu tunngasut
- 3) illuutiniq suliaqarnermi missiliuutit neqeroorutillu kiisalu nioqquteqarnerit.

*Imm. 4.* Immikkut ataatsimiigiaqqusineri sapinngisamik annerpaamik ataatsimiititaliap siulittaasuata suna ataatsimiinnissami pineqassanersoq pillugu ilaasortat paasissutissinniartassavai.

### **Aalajangiisinnaassuseq, ataatsimiinnermi agutsineq suliallu saqqummiuttarnissaat**

**§ 5.** Ataatsimiititaliami ilaasortat ikinnerpaamik affai peqataappata, ataatsimiititaliaq aalajangiisinnaassuseqarpoq.

*Imm. 2.* Ataatsimiititaliaq, ilaasortat ilaannik piumaffigineqaruni, ilaasortap ataatsimiinnermi attaveqaatit atorlugit peqataanissaa aalajangiiffigisinnaavaa.

**§ 6.** Ataatsimiititaliap siulittaasuata, peqataangippallu siulittaasup tulliaata, ataatsimiinnerit aquttassavai.

Ataatsimiinnerit aqunneqarnerini toqqissisimasumillu ingerlanneqarnissaannik apeqqusiinerit ataatsimiititaliap siulittaasuata aalajangiiffigisassavai. Taamatuttaaq suliani taasissuteqassatillugu, qanoq isikkuliinissaq ataatsimiititaliap siulittaasuata aalajangiiffigisassallugu.

*Imm. 2.* Kinaluunniit oqaaseqarusukkuni, ataatsimiititaliap siulittaasuanut saaffiginnissaaq, taassumalu ilaasortat oqaaseqartussat saaffiginninnerat tunngavigalugu tulleriaassavai. Arlallit oqaaseqarniarlutik ataatsikkut saaffiginnippata, ataatsimiititaliap siulittaasuata oqaaseqarnissaanni qanoq tulleriinnissaat aalajangissavaa. Oqaaseqartut taamaallaat ataatsimiititaliap siulittaasuanit unitsinneqarsinnaapput.

*Imm. 3.* Ilaasortap kialluunniit toqqissisimanissamik siulittaasup piumasarisaa ataqquisussaavaa. Ilaasortap ataatsimiinnerup ingerlanerani marloriarluni toqqissisimaqquneqarsimappat, ataatsimiititaliap siulittaasuata siunnersuuteqarneratigut ataatsimiinnermi ilaasortaq oqaaseqaqqissanngitsoq ataatsimiititaliap aalajangiiffigisinnaavaa.

**§ 7.** Ataatsimiinnermi ataatsimiissutissat ataatsimiititaliap siulittaasuata aalajangiineratut tulleriiaarneqassapput, taassumalu oqaluuserisassat tulleriiaarsimaneri allanngortissinnaallugit.

*Imm. 2.* Ilaasortaq kinaluunniit ataatsimiinnerup aallartinnerani oqaluuserisassat pillugit oqaaseqarumasinnaavoq, matumani oqaluuserisassat tulleriiaarsimaneri aamma eqqarsaatigalugit.

*Imm. 3.* Suliaq oqaluuserisassanut nassiunneqarsimasunut ilanngunneqarsimanngitsoq oqaluuserineqarsinnaanngilaq, ilanngunnissaalu tamanit isumaqatigineqanngippat, imaluunniit suliap aalajangiiffiginissaa nalorninaateqanngippat suliarluunniit kinguartinneqarsinnaanngippat.



§ 8. Suliap inatsisitigut allatut aalajangiiffigineqarsimanngippat ataasiaannarlugu suliareneqartassaaq, ataatsimiititalialluunniit suliap marloriarlugu suliarinissaa aalajangiiffiginngippagu.

*Imm. 2.* Siullermeerlugu suliap suliarinerani suliap sukumiissumik suliareneqassanersoq taasissutigineqartassanngilaq, taamaallaalli aappassaaneernissaanik apeqqut taasissutigineqassalluni. Ilaasortap kialluunniit pineqartumut oqaaseqarnissani pinsinnaatitaaffigivaa, tassa suliap aappassaaneerneqarnissaminut ingerlateqqinneqarnissaa eqqarsaatigalugu. Siullermeernera aappassaaneernalu ulloq ataaseq pinsinnaanngillat.

*Imm. 3.* Suliap marloriarlugu suliareneqassappat, siullermeernerani pappialat atukkat sapinngisamik ilaasortanut misissugassanngorlugit saqqummiunneqassapput, taakkuluunniit akornanni ingerlaartinneqarlutik.

§ 9. Ataatsimiititaliami ilaasortap kialluunniit aalajangiinerup piviusunngortinneqarnissaa unitsissinnaavaa ataatsimiinnermi oqaaseqaruni suliassap kommunalbestyrelsimut tamarmiusermut saqqummiunneqarnissaa kissaatigigini. Tamannali atussanngilaq aalajangiinernut inatsisit malillugit ataatsimiititalianut ataavartunut isumagisassanngortinneqartunut.

§ 10. Ataatsimiititaliami siulittaasup ataatsimiititaliaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiliornikkut ataatsimiititaliamut suliassanngortitaasimanngitsuni kinguartinneqarsinnaanngitsunili ataatsimiititaliami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititaliamut suliassanngortinneqarsimasuni.

### **Ilaasortat ataatsimiinnermi taasinermilu peqataanerat**

§ 11. Ataatsimiititaliami ilaasortaq suliame aalajangersimasumi peqataasinnaanngilaq, tak. Suliat suliareneqarsinnaanerit pillugu Inatsisartut inatsisaat pillugu Nam. Oqar. nalunaarutaat nr. 4, 20. aprili 2021-meersumi § 3, imm. 1-3, tassa

- 1) imminermut inuttut aningaasatigulluunniit suliap qanoq innerneqarnissaa soqutigisaqarfigiguniuk suliamiluunniit massakkut siusinnerusukkulluunniit soqutiginnittumut sinniisuusimaguni,
- 2) katissimallugu aappariikkunik, siulimikkut/kinguaamikkut ningaariikkunik /sakiatsiariikkunilluunniit qatanngutimiluunniit kinguaavisigut allatigulluunniit qanitariittuunikkut suliap qanoq innerneqarnissaa soqutigisaqarfigiguniuk suliamiluunniit massakkut siusinnerusukkulluunniit soqutiginnittumut sinniisuusimaguni,
- 3) ingerlatseqatigiiffiup siulersorneqarnerani peqataaguni allatigulluunniit peqatigiiffimmut qanittumik attuumassuteqaruni, tamatumanilu suliap qanoq innerneqarnissaa soqutigisaralugu,
- 4) suliassaq pisortat suliffeqarfiutaannut allamut atatillugu naammagittaalliutaappat imaluunniit misissuisutut nakkutilliisuuffittulluunniit suliassaappat, pineqartorlu

pisortaqarfimmut tassunga atatillugu pineqartumi aalajangiinermi pineqaatissiinermiluunniit peqataasimaguni, imaluunniit

- 5) pineqartup kinaassusersiortuunngitsumik isummersinnaanissaanik apeqqusiinissamut pequtaasinnaasunik takussutissaqarpat.

*Imm. 2.* Suliamili peqataanissaq akornutissaqanngilaq, tassa soqutiginninnerup qanoq ittuunera annertussusialuunniit eqqarsaatigalugit, suliasap qanoq ittuunera pineqartulluunniit suliamik suliaqarnera suliami aalajangiinissamut akornutaasussamik sunniuteqaateqarnissaa mianernartoqanngippat.

*Imm. 3.* Suliamut atatillugu peqataasinnaanngitsoq, suliami aalajangiisinnaanngilaq, aalajangiinermi peqataasinnaanani allatulluunniit suliamut atatillugu suliaqarnermi peqataasinnaanani.

**§ 12.** Ilaasortap peqataasinnaanerminut atatillugu nalornisoorteqaruni tamatuminnga ataatsimiititaliaq ilisimatissavaa.

*Imm. 2.* Ataatsimiititaliap ilaasortap soqutiginninnerata suliami peqataasinnaaneranut qanoq attuumassuteqartiginersoq, tassa pineqartoq suliap ataatsimiititaliami saqqummiunneqarnerani, suliarineqarnerani taasissutaanerani peqataasinnaannginneranik kinguneqassanersoq, aalajangissava. Taamaattoqarpat pineqartoq suliap saqqummiunneqarnerani, suliarineqarnerani taasissutigineqarneranilu ini qimattariaqassavaa, illuatungaatiulli ilaasortaq suliamut attuumassuteqarnerata ataatsimiititaliami suliarineqarnerani taaseqataasinnaaneranillu peqataasinnaalluni.

### **Taasissuteqarneq, allannguutissamik suliallu ingerlannerani allannguutissamik siunnersuuteqaqqinnerit**

**§ 13.** Taasinerit ima ingerlanneqartassapput, ilaasortat issiavimminniit nikuittarlutik, nappaasarlutik imaluunniit arlaatigut paatsoorneqarsinnaanngitsumik siunnersuummut isumaqataanerlutik isumaqataannginnerlutilluunniit nalunaarutigalugu.

*Imm. 2.* Aalajangiinerit tamarmik amerlanerussuteqarnikkut pisassapput.

*Imm. 3.* Ataatsimiititaliap siulittaasua naliliiguni, suliap inerneqarnissaa ima nalunaatsigisoq, taasissutigineqarnissaa pisariaqarani, suliamik nammineq paasinninnini aalajangiinissamilu isummernini oqaatigissavai. Tamatumalu kingorna ilaasortat arlaata suliap taasissutiginissaa piumasarmngippagu, ataatsimiititaliap suliami nammineq isummani naapertorlugu aalajangiisoqarnera oqaatigissavaa.

*Imm. 4.* Qinersinerit allakkatigut taasinnikkut pisassapput, taasiffissallu siulittaasumit isumagineqarlutillu tunniunneqartassallutik. Ataatsimiititaliap siulittaasuata nalornissutiginngikkuniuk ataatsimiititaliap qinigassanngortittoq aalaj angersimasooq toqqarniaraat toqqaqqinniaaalluunniit, taava siunnersuutigisinnaavaa, pineqartoq allakkatigut



taasissutaanngikkaluamik toqqagaassasoq. Taamaattoqartillugu ilaasortat arlaata taasinissaq piumasaqaatiginngippagu, qinigassanngortittutut siunnersuut toqqagaasutut paasineqassaaq.

§ 14. Allanguutissatut siunnersuutit suliallu ingerlanerani allanguutissatut siunnersuuteqaqqinnerit saqqumiunneqarsinnaapput, taasinissap aallartinnginnerani, taamaasillunilu suliap saqqumiunneqarnera siullermeernaluunniit patsisiginiarneqarsinnaanani, tassa suliaq marloriarlugu suliaasaappat, immikkoortorli 2 takuuk.

*Imm. 2.* Ataatsimiititaliaq suliani marloriagassani aalajangiisinnaavoq, allanguutissatut siunnersuutit piffissaliiffigineqassasut tunngaviusumillumi aamma suliap ingerlanerani allanguutissatut siunnersuuteqaqqinnerit, taamaattoqartillugulu piffissaq qaangiutereersoq saqqumiunneqarsinnaanatik.

*Imm. 3.* Allanguutissatut siunnersuutit suliallu ingerlanneqarnerani allanguutissatut siunnersuuteqaqqinnerit ilaasortanut aatsaat suliap aappasaaneernerani saqqumiunneqarpata, ataatsimiinnerup aallartinnerani ataatsimiititaliap siulittaasuata ataatsimiinneq aallarnerlugu tunniunneqarsimappata nalunaarutigissavai. Ataatsimiititaliap siulittaasuata allanguutissatut siunnersuutini taasinerit qanoq tulleriiaarneqarnissaat aalajangissavaa, tamatigulli tunngaviusumik siunnersuutip taasissutiginninnerani taakku ingerlanneqartassapput.

### **Amerlanerussuteqarluni toqqaaneq**

§ 15. Amerlanerussuteqarluni toqqaanerni, toqqagassani ilaasortanit peqataasunit amerlanernit toqqagaasoq qinigaassaaq. Taama amerlanerussuteqartoqanngippat, taava taaneqartunit amerlanerit marluk aallaavigalugit taasisoqassaaq. Toqqaasut amerlaqatigiippata makitsinikkut aalajangiineq pissaaq.

### **Aalajangiinernik imaqarniliaq**

§ 16. Ataatsimiititaliap aalajangiineri ataatsimiinnerup ingerlanerani aalajangiinernik imaqarniliatut ataatsimiititaliap allataanit allanneqartassapput. Ataatsimiititaliap siulittaasuata oqaatigissavaa, qanoq allanneqassanersut.

*Imm. 2.* Ilaasortap allatut isumaqarnini naatsumik allatsissinnaavaa.

*Imm. 3.* Aalajangiinernik imaqarniliaq ataatsimiinnerit naammassineri tamaasa, allanneqarsimasut atuarneqareernerisigut, ilaasortanit ataatsimiinnermi peqataasunit tamanit atsiorneqassaaq. Ilaasortat namminneq taasinerit innersuussutigalugu allatigulluunniit patsisissarsiorlutik aalajangersakkanut atsiormanngissinnaanngillat. Ataatsimiititaliap siulittaasuata aalajangiinernut imaqarniliat allattorsimaffiat ataatsimiinnermi peqataasunit atsiorneqarsimanissaa qularnaassavaa.

*Imm. 4. Ataatsimiinermiit ammasumiit aalajangikkat tamanut takusassiarineqassapput.*

### **Suleriaatsip aalajangersagaannik paasinnineq**

§ 17. Ilaasortaq kinaluunniit ataatsimiititaliap siulittaasuata suleriaatsip qanoq paasineqarnissaa pillugu aalajangiineranik ataqqinnittussaavoq, apeqqusiinerli ataatsimiititaliap tullianik ataatsimiinnissaanut ingerlateqqinneqarsinnaalluni.

### **Suleriaatsimik allannguuteqartitsineq**

§ 18. Suleriaatsimik allannguuteqartitsineq tapiliussaqaernerilluunniit ataatsimiinnermi nalinginnaasumi ataasiarlugu ingerlanneqassaaq.

§ 19. Suleriaaseq una atuutilerpoq ulloq 22. maj 2025.

**Atugarissaarnermut Ataatsimiititaliap siulittaasua**



**Hans Frederik Olsen**